

مدیری : ابن السری
احمد جودت

مؤسسی : ابن السری
مصطفی نامق

آشیان

أدب ، علمی ، سیاسی ، اجتماعی ، فنی ، اخلاقی همتہ لق مجموعه در

نخستین

برنجی جلد

نومرو ۱۰

برنجی سنه

۲۵ شوال ۱۳۲۶

۶ آشرین ثانی ۱۳۲۴

استانبول

محل اداره سی : جفال اوغلنده دائره مخصوصه

باب عالی جاده سنده ۴۰ - ۴۴ نومرو لی سلانیک مطبعه سی

۱۳۲۴



— مابعد —

محيط ملوثله كچمش ايكن پك مشهور و محترم انسانلر صرمه سنه كچدكاري
كورلمه مشميدر ؟

ايشته ، بومعمای مجهوليت، كثرت موجوديت طريقه سي اوكننده برطرف
اوله رق ارباب ذكا و فضيلتك ارايه ايتدكاري صريت فطرية، حيات ماسبقلرنده
مظهر اولدقلىرى تربيه و تزكى آتارندن بولنديغنه دالذر .

تعاقب زمان ايله روح بشرك كذاش موجوديتى تجرد ايتدكجه طريق
تعالی ده قدسيت پيدا ايدم ايدم نهايت روح، اضطراب انكيز اولان عالم ناسوتدن
قورتلهر رق ضیای ابدی به داخل اولور، عشق و ذوق لاهوتی به مستغرق قالير .

مقصد حيات

قدرت فاطره بك خلقت انسانده كنزله ديكي خواصه بالمجاهده دسترس اولديغمز
تقدیرده وجهه عزيمتمز ضیادار اوله رق منزل مقصودی كورير و نفس ناطقه بك
ظلمت ايله نورك امتزاج ايتديكي برعالم اسرار انكيز اولديغنى فهم ايدرك بو عالمی
مطالعه ايتدكجه حیرتله دوچار و بودائرة و قوفه داخل اولدقدن صوكره ارتق
تلذذات مادیه دن ذوق آلامیه رق معنأ ترقی به شتابان اولورز . مراد الله تكامل
اولوب موقوف عالیی ايسه ترقيدر ، بويول پك اوزون اولوب نهايته درجه
درجه ، آديم آديم وصول ممكن اولور ، منزل مقصود بزدن تباعد ايدركی
كورينير ايسه ده ، موجود ، تدريجأ ترقی ايتركجه مجاهداتيك ، مكافاتی انتطاف
و تجاربك تكثيريه خراس مرهوبه بك انكشافی مشاهده ايدر .

اشخاص ، اعمالك عيدير، كه بوكا مقدرات دیرز ؛ قدر ، مطلق وغیر
مبتدل اولمایوب هیچ بر فرد ابدیاً مردود ولعته محکوم اولاماز . میدان وسیع
حیاتده هر بر حال کلیر کچر ، بیک درلو موانع آره سندن انسان بر کون اولور
عین نتیجه واصل اولور . بز حر و مختار اولدینمز جهته نور حقیقی کورمک
ایچون طریق ترقیده قطع مراحل اختیار مزده ، مسارعت و بطاأت المزده در .
حیات ناسوتده اذواق غلیظه وعادییه دالهرق انواع سیأنله یولمزدن قالیرز ،
فقط ار کج بزده حس وظیفه اویانیر ، عذاب واضطراب اویوش-قلغمزی دفع
ایدرك جبراً بزى بوله یاتیرر .

ارواح میا سنده اختلاف یالکز تربیه وترقی جهتندن اولوب هر فرد مباحثله
ملزمه مستقبله یی تدارك ایده یلیر ، اراده جزئییه سنك صورت استعمالیه مظهر
ترقیات اولور ، انسان عقلأ و اخلاقاً مساوی اولماد قلرندن فیضاً عین درجهده
اولامازلر ایسهده جمله مخلوق خدای لم یزل بولنق حسیه حشر ونشر طریقله
تحول و تکمل ایده رك بوتون کائناتی شامل اولان عالم لاهوته ملاقی اولور لر .
هرکس افعالنك خالق اولوب بوافعال بنه کذرینه عکس ایدر ، حیات احتراصات
نفسانیه ابله مشبوع ایسه حسنه قارشو عقیم قالمخله موجود ندنی ایدوب لوئدن
تظهر ایچون محرق اولهرق کسب صفوت ایتسی امر محق قدر .

بزه خصم اولان محکمه کندی وجدانمزد در که ظلام مادیتدن صیریلدینی
آنده مقاومتی غیر قابل بر آس مجبر کسیلیر . طریق اخلاق و حکمتده
اسباب و افعالدن باشقه بر شی اولمایوب بوده بر قانون لایتغیر و لایخطی
طرفدن اداره اونور ، آوان جهالتمزده شکایت ایتدی کمز طالع ، ماضیده کی
سیأتمزك تعمیرندن ؛ و مقدرات ، کرک قانون عدالت کرک نفسمز حقنده بر
ذمتك تادیه سندن عبارتدر .

حیات حاضرک شکلی ماضینك ایجابات مبرمه یی اولدینی کی حیات مستقبل دخی
افعال حاضر مزك ماهیتله متناسب بر حالده تجلی ایده جکدر . عاقل اولان نفس
اماریه قابلا یوب عبادت حقیقیه وحسیات حسنه دن بر دقیقه آیرماز ، بو صورتله
پیش چشمانی سترایدن ردای ظلمتی جاک ایدرك علم حقیقی بانه تحصیل حیات ابدییه
ناالی اولور . نور و احددن آیرلمش اولان هر شراره ، نفس اماره و انانیتنه قارشو

هر غلبه‌نده بر صفای صمیمه نائل اوله رق کیتد کجه فیضی مزدا اولور، بومظهرتی
بزه فیاض مطلق وعدایدیور، اه عظیم الشان بزدن اوزاق اولمایوب بزه در ،
سمادت وسفالت حرکاتک نتیجه سی اوله رق انسانک قلبنده در، بوحقانه برخیال
نظریله باقان انسانلرایسه پک کولجدر .

اعتراض

فنون مثبت ايله فصل اولنه میان بر چوق مسائل عمیقہ نک عین حقیقت
اولان حیات مستقبل طریقه سبله حلی ممکن اولمشدر، بومبای دینیک معترضلری
اولان ریبون و مادیونک اک دهشتلی اعتراضی تشکیل ایدن مسائلی نظر دفته
آله رق جواب ویره لم : انسانک فلاکت واضطراباتی، استحقاقده عدم مساواتی
ظاهراً مقدرانده مشهود اولان حقسزلق کبی اعتراضات فلسفه روحیه قارشیدنده
هیچ براهینی حائر اولمایوب آنجاق مدھش براعتراض واریسه اوده شوذر :
نوع بشر ، حیات ماسبقدن طولاشوب حیات جدیدی احراز ایتیش اولدینی
حاله خاطرات ماضیه سنی نهدن فراموش ایدیور ؟

بومانه ، بو اعتراض ظاهراً دهشتلیدر ، فقط بزم ایچون جواب ویرمک
آساندر ، حیات ماسبقده موجود اولانلرک افعال و خاطراتنک پایدار اولسی
موجودیت ایچون فائده لی برکیفیت دکلدر . هیچ بریمز بشیکده ووالده مزک سینه سنده
اسرار ایتدیکمز زمانی تخطر ایدمه یز ، صباوت زماننک خاطراتندن حتی بر
جزؤ قلیانی بیله تخطر ایدن انسان اندردر .
هر صباح اویاندیغمزده اکثریتله کوردیکمز دؤیالرک خاطراتی نابدید اولور ،
حالبوکه حال نومده بورؤیالر بر وضوح نام ايله تجلی ایتیش ایکن روح ، جسم
مادینک تحت تأثیرینه دوشر دوشمز احساسات و تخطراتمنزی مهمیت استیلا
ایدر . ایام ولیالی بشر ، حیات دنیوی و روحانینک نمونه سی اولوب حالت نوم
دخی موت کبی غیر قابل ایضا حدر . هرایکسی بزی بانئساوبه محیط و شرائط
مختلفه یه سوق ایدر و بو احوال مختلفه هویتمزک پایدار اولسنه مانع اولاماز .
نوم مقناطیسی ايله روح ، جسم مادیدن تجرد ایتدیکي وقت مشاهدات

و تخطراتی حال بیداریده در حال اونودوب فقط تکرار حال وضوحه کچدیکنده
ینه سلسله خاطراتنه مالک اولیور، سیر فی المنام ایله معلول اولانلرک انسانی
نومده کی افعال و خاطراتی حال بیداریده حیلات جسمانیه دن طولانی در حال
فراموش ایتلمی ده بوکیفیتک رهایدی. سیر فی المنام، انسانده مخفی اولان
خواص روحانیه دن برخاصه مک حال طیبیده تجلیسندن عبارتدر کسب کمال ایدنلر
خواص مذکوریه نی استعمال ایدرک بوواسطه ایله عالم غیب ایله اتصال ایدرلر.
بوشراط مختلفه میاننده انسان، ایکی حال وجدانده کورینور، بالناوبه بر
حالدن دیگر حاله کچر. اونوتمق، حالت نومی حال بیداریدن تفریق ایدن بر
پرده کثافت اولدینی کی حیات حاضر دخی حیات مابقی خاطراتک غیبوتی
ایچون بر حائل کشیفدر.

کرک نوم مقناطیسی، کرک نوم طبیعی ایله حال تجردده روحک اطلاعاتی
دماغه ناصل منطبع اولمایورسه حیات مابقی خطراتک حیات حاضرده پایدار
اوله بیلیمسی دها مشکل و غیر قابلدر. دماغ، روحک ماده جسمانیته تبعیت
و محکومیتی اولانده کی تحسیناتک اخذ و جمعه خادم اولوب حافظه، انجق بوزمانه
مخصوص حادثاتی ضبط ایده یایر.

هرطوغوشده عضو دماغ، نرم ایچون یکی بر کتاب کی تشکل ایدوب
احتیسات و اشکال جدیده ایله منطبع اوله رق روحک حیات معنویه کی
مشاهداتک تخطریته حیلات ایدر. انسان جسم مادی نی ترک ایدر ایتمز ینه
اولکی مشاهداتک تسلی پیش نظرند، عکس انداز اولور.

نسیان، بودنیاده انسانک تجارب و ترقیسی ایچون الزم برشرطدر، اصرار
ایتدیکمز حیات مابقیده ابقاع ایتدیکمز قبایح و معایب تخطراتک بیکمز تقدیرده
بوخطرات الیمه نرم ایچون طقفرسا بر بارکران اولوردی. بو حیاتده تصادف
ایتدیکمز آلام واضطرابات انضمام ایدرک نری ترقیدن منع ایدر ایدی. جناب
فیاض مطلق، غفور الرحیم اولدیندن بزدن خاطرات ماضیه انطباعاتی سیلیمه.ش
اولسه هیچ بر وقت نائل مغفرت اوله مایه رق اضطرابات ابدیه مستغرق
قاله جعفر طبیعی، بوایسده صفات الوهیه منافی بولمغله بر جانی درجه دهشتی
ما فوق الحیال بر جوق عقوباتی کچیردکن مسوکره ینه برمادر مشفقک رحمدن

تولد ایدرک سینه شفقتده نوازشلره غرق اولور و حیات ماسبقده کی تلوت
خاطراندن آزاده قالیر .

جوهر یکانه موجودیت ، ماده وقوتدن عبارت دکلدر

شمعدی یه قور ماده ، اشکال نئه تختنده بیلیدر ایدی : صاب ، مایع و غاز .
انکلیز حکمتشناساندن (سیر ویلیام قروقس) تدقیقات عمیق سبیلله ماده غازییه
جام ، انبوهلردن کچیره رک بر دردنچی حال اکتساب ایتدیکنی کشف ایدوب
بوکا حال انشعاع نامی ویرمشد .

ماده بی حصوله کترین اجزاء فردیه نک بو صر نئه متعدد انبوهلردن
امر ریله حکمت طبعیه نک جاذبه ودافعه قانوننه تباراً حرکات اهتزازیه زرویهلری
صوک درجه برسرعت واصل اولوب نهایت بالاشتمال شعاعات الکتریقییه تحویل
ایدیور . (X شعاعلرک تطبیقاتی معلومدر) ماده نک اولکی د جات مختلفه
نئهده کی احوال متکافه سندن دردنچیسنه یعنی حال انشعاع کچدیکنده خواص
مخصوصه سی اولار کثافت وثقلتی ، شکل ولونی غائب ایدوب قوتله او درجه
اتحاد ایدرک همان قوته تحویل ایتدیکی ادعا ادرله بیلیر ، ماده نک بودردنچی حال
انشعاعی تحولات نهائی میدر ؟ خایر ، عالم فنده طریق تجربه شمعدیکی حالده
بوقفهده بولیدور ایسهده ماده نک باصل که برمدت اول غاز حالده ایکن بوکون
انشعاع ایتدیکی مشاهده اولندیکی کی بونک بر حال سیالییه تحویلهده برکون حل
اولنه رق قوای ادریه کاشانک وحدتده تمرکز ایتدیکی فناً نظر ایدر جکدر .
ذاتاً عناصر مختلفه نک اساسنده کی وحدت ، برمدت فیزی اکثر علماطرفندن
تصدیق ایدلمش بر مسئلهدر . اوت ، ماده نک اساسی صوک د جاد ، یعنی نهایتنه
وصول ممکن اوله مایه حق بر حال رفته سیالی اولسی لازم کلیدور که ، مرکبات
بی نهایتدن متشکل کی کورینن کافه اجسامک جوهر اصایی کورلنز ، ماهیتی
کلاشماز برسیالیتده نهان اولوب ماده بی اشکالدن اشکاله ، احوالدن احواله
وضع ایدن بر مؤثرک وجودنی قبول ایتک ضرورتی تمین ایدیور .

خلیل

مایندی وار